

LE GRAND

ET IVSTE CHASTI-
ment des Rebelles de
Negrepelisse.

Mis & taillez en pieces, & leur
ville reduite à feu & à sang,

*Par l'armee Royale de sa Maiesté
les 10. & 11. Iuin 1622.*



A PARIS,
Chez PIERRE ROCOLET,
au Palais.

M. DC. XXII.

Avec Permission.

Case


F

39

326

1622 fy

THE NEWBERRY
LIBRARY



LE GRAND ET IVSTE

Chastiment des Rebelles de
Negrepelisse, mis & taillez en
pieces & leur ville reduicte à feu
& à sang, par l'armee Royale de
sa Majesté lez 10. & 11. Iuin.

1622.



ONSIER.

Voicy vn iuste iu-
gement de Dieu,
puis qu'en fin la
méchanceté & la rebellion ont

A ij

rencontré le chastimét qu'elles
meritent.

Vous sçeuſtes il y a deſi-a
quelques mois la perfidie des
habitans de Negrepeliſſe (ville
ſcituee â trois lieuës de Mont-
auban) qui eſgorgerent tous
les ſoldats de la Garniſon que
le Roy y auoit miſe. Et fraiſ-
chement vous aués appris le
reſſus que leſdits habitans Re-
belles ont faiçt à ſa Maieſté de
luy ouurir les portes de leur
ville , & leur temerité à vou-
loir ſouſtenir le ſiege d'une ar-
mee Royale, eux qui n'eſtoient
ny munis, ny fortifiés.

Auſſi apprendrés vous main-
tenant la punition exemplaire
qu'ils ont ſoufferte en leurs vies

leurs biens, & leurs honneurs,
 Car les nostres le Vendredy au
 soir dixiesme du present mois
 ont donné l'assault par deux en-
 droicts, l'un par la bresche que
 le Canon auoit faicte, & l'au-
 tre par l'endroit où l'on les at-
 tendoit le moins: ils s'y por-
 terent avec tel courage & va-
 leur, qu'ils entrèrent incon-
 tinent dans la ville, forcerent
 les barricades, passerent par le
 fil de l'espee tout ce qu'ils ren-
 contrerent là dedans.

Du depuis apres s'estre saisis
 du principal buttin, ils ont
 brulé & consommé toutes
 les maisons & edifices de la
 ville par vn incendie ge-
 neral sans reserue ny exce-

ption ; Si bien que tout le chastiment que l'esprit de l'homme se peut imaginer pour punir le crime & la rebellion, ces perfides & rebelles l'ont souffert, & ceux que le feu & le sang ont espar-gnez, ont finy leurs vies sur des gibbets pour seruir d'ex-
 xemple & d'horreur à ceux qui voudroient cy apres les imiter.

Bref ce que i'en dis est le moins de ce que i'en pense, & de ce que i'en ay veu, ne se pouuant ouyr ny voir vn plus horrible spectacle que celuy là, car nous auons marché sur les corps morts estendus dans les rues nuds & cicatricez en tel-

le sorte que les plus durs en ont
eul le cœur touché.

Celuy qui a aydé à les en-
terrer a dict qu'il auoit enterré
trois cens soixâte & trois corps
d'habitans tuez. Il y en a vne
grande quantité de noyez qui
se voulans sauuer & passer à
la nage vne petite riuere qui
est aux pieds de leur muraille,
estoiert tuez dans l'eau par nos
soldats, dont l'on n'a iamais
veul le courage plus animé con-
tre lesdits Rebelles pour le ser-
uice de leur Roy, qu'en
cette occasion, mesmes qui
ont passé iusques au delà du de-
voir.

Je vous diray icy à ce sub-
iect vn traitt de la charité

de Monseigneur le Garde
des Sceaux qui commanda à
l'un des siens, tost apres la pri-
se de la ville, qu'il rachepast
les filles & les femmes qu'il
trouueroit entre les mains des
soldats, à fin que par ce moyen
leur honneur & leur vie fust
conseruee, ce qu'il fit de celles
qu'il rencontra, lesquelles il
amena à mondit Seigneur le
Garde des Sceaux, iusques au
nombre de quinze, qui furent
conduictes en son logis, cōme
en lieu de refuge & d'azile dont
les vnes ont esté renuoyees avec
escorte es lieux, d'où elles s'e-
stoient refugiees dās Negrepelisse
sur l'aduenemēt de l'armee roy-
ale de sa maiesté, & les autres ont
esté cōduittes en lieu de seurcté.

Pour

Pource qui est du Cha-
 steau il a tenu bói iusques au
 lendemain onzième Iuin,
 iour de saint Barnabé, dix
 heures du matin, qu'il s'est
 rendu à discretion; les hom-
 mes qui se sont trouuez de-
 dans ont esté pendus &
 estranglez sur le champ, &
 les filles & les femmes qui
 s'y estoient refugiees ont
 esté conseruees sans aucun
 mal souffrir, ny à leur vie,
 ny à leur honneur.

Nous n'auons perdu en
 ceste occasion que fort peu
 d'hommes, & n'y a eu que
 deux ou trois Capitaines de-
 tuez & quelques soldats à
 l'assaut.

Dieu vueille que l'exemple de ce chastiment remarquable fasse r'entrer les autres Rebelles dans eux-mêmes, afin qu'ils eurent par leur obeissance semblable punition; ie l'en supplie de tout mon cœur, & qu'il vous comble de ses graces, comme ie le souhaite:

*Du camp de Negrepelisse
ce 24. Iuin 1622.*

Vostre tres-
humble, &c.

Outre la lettre cy-dessus
escrite, il y a encore nou-
uelles comme Sainct An-
thonin est assiegé de par les
Duc de Vandosme, & le
Mareschal de Themines;
menacé de semblable trait-
tement en cas de resistan-
ce.

Monsieur le Duc de
Montmorency & monsieur
de Chastillon, ont com-
mencé le degast au bas
Languedoc, & coupé tous
les bleds d'autour de Nis-
mes & de Montpellier,
pour d'autant plus reduire
les Rebelles à la necessité de
viures; ils attendent l'arri-
uee des reistres & Lansque-

ners, leuez en Allemagne
pour la Majesté, & qui pas-
sent en Bourgogne pour
assieger Montpellier.

PERMISSION

Il est permis à PIERRE
IROCOLET, Marchant Li-
braire à Paris, d'imprimer ou fai-
re imprimer vn petit discours in-
titulé le Grand & luste charimēt
des rebelles de Negrepelisse,
mis & taillez en pieces, & leur
villereduite à feu & a sang, par
l'armée Royale de sa Majesté,
& deffence à tous libraires & au-
tres de l'imprimer, ou faire im-
primer, sur peine de confiscation
des exemplaires, & peine portée
par l'original de ladite Permis-
sion donné à Paris, ce 20. Iuin

1622.

